

VRAAG 8**BRON E****Befondsing vir die Olimpiese Spele teenoor die Paralimpiese Spele**

Daar is 'n groot ongelykheid in befondsing tussen die Olimpiese en Paralimpiese Spele. Tussen 2012 en 2016 het *UK Sport* hul belegging in Paralimpiese atlete met 43% verhoog, wat die totale bedrag op £70,2 miljoen te staan bring. Dit klink indrukwekkend, maar dit is steeds meer as 10 keer minder as die £276,8 miljoen wat aan Olimpiese atlete in dieselfde tydperk spandeer is. Die tabel som *UK Sport* se Tokio-befondsingsyfers op:

***UK Sport* se befondsing vir die 2020 Olimpiese en Paralimpiese Spele**

Sport	Tokio Olimpiese Spele £	Tokio Paralimpiese Spele £	Paralimpiese %-verskil
Boogskiet	1 122 879	3 756 092	+70
Atletiek	23 007 531	12 660 737	-45
Pluimbal	946 779	1 237 500	+77
Fietsry	24 559 306	8 094 453	-67
Ruitersport	12 541 195	4 361 639	-66
Roei	24 655 408	3 664 565	-86
Swem	18 731 645	10 869 596	-42
Skiet	6 008 790	2 499 000	-49
Driekamp	7 049 372	3 759 775	-47

[<<https://www.uksport.gov.uk/our-work/investing-in-sport/current-funding-figures>>, Toegang 10/2/22]

BRON F**Inleiding**

Baie persone met beweeglikheidsgestremdhede of fisiese gestremdhede kan steeds aan fisiese aktiwiteite soos sport en stokperdjies deelneem. Daar is 'n wye verskeidenheid verskillende tipes sportsoorte en aktiwiteite, waarvan sommige op 'n bestaande sportsoort vir nie-gestremde persone gegrond is, soos rolstoelbasketbal en rolstoeltennis. Hierna word dikwels as Aangepaste Sportsoorte verwys.

Om aan sport en fisiese aktiwiteite deel te neem het gewild geraak en bied 'n groot verskeidenheid voordele vir sowel persone met gestremdhede as ander lede van die samelewing. Baie persone met gestremdhede baat by die sosiale en fisiese aktiwiteit wat die meeste sportsoorte bied, terwyl diegene wat van die kantlyn af kyk, geïnspireer kan word deur die prestasies om meer te bereik en die gemeenskap oor gestremdhede in te lig en sommige van die stigma te verwyder wat met 'n persoon wat 'n gestremdheid het, gepaard gaan.

[<<http://disabilityinfo.co.za/mobility-impairments/sport-for-mobility-impaired/>>, Toegang 4/3/22]

BRON G

Handicapped Scuba Crew: Handicapped Scuba Crew is 'n organisasie sonder winsoogmerk in Pretoria en het 'n missie om hindernisse met "scubility" af te breek – "Ons gebruik SKUBA as 'n instrument vir rehabilitasie terug in die gewone samelewing in en om seker te maak dat persone met gestremdhede dieselfde geleentheid kry om uitstekende gehalteafrigting, sertifisering en duikervarings te ontvang as wat nie-gestremde duikers ontvang. Ons verbeter die lewens van alle persone met gestremdhede en hul families deur die sport van skubaduik. Ons samel fondse in vir al hierdie aktiwiteite."

Handicapped Scuba Crew het met persone gewerk wat verskillende gestremdhede/toestande het, insluitend persone met beweeglikheidsgestremdhede of -toestande. Persone wat al by ons geduik het, sluit in persone met rugmurgbeserings – parapleë en kwadrupleë; persone met serebrale verlamming en veelvuldige sklerose; geamputeerdes en persone met spina bifida; persone met spierdistrofie; persone wat 'n beroerte gehad het; persone wat doof, outisties of blind is of Downsindroom, het.

Aanpassingstegnieke stel ons organisasie in staat om ons etos van almal wat gelyk is, uit te leef, om vir persone soos hierbo 'n gelyke geleentheid te gee om al die dele van duik te ervaar, insluitend om op die ponton te sit indien moontlik! Die voordele van skubaduik is enorm en sluit beide geestelike en fisiese voordele in. Nuwe mediese studies bevestig die terapeutiese voordele van skubaduik en die Handicapped Scuba Crew word erken vir die werk wat hulle doen en die voordele van skubaduik vir persone met gestremdhede.

[<<http://disabilityinfosa.co.za/mobility-impairments/sport-for-mobility-impaired/>>, Toegang 4/3/22]

BRON H

Hoe beïnvloed gestremdheid sportdeelname?

Die data van ons Active Lives se volwassene-opname toon dat **gestremde persone byna twee keer meer geneig is om fisies onaktief te wees (43%), in vergelyking met diegene sonder 'n gestremdheid (23%)**. Hierdie ongelykheid neem skerp toe namate die aantal gestremdhede wat 'n persoon het toeneem, met 51% van mense met drie of meer gestremdhede wat onaktief is.

[<<https://www.google.com/How+to+increase+participation+in+sport+for+disabled&sa>>, Toegang 4/3/22]